



PROTOKOL
FEDERALNOG ZAVODA ZA ZAPOŠLJAVANJE
I
FEDERALNE UPRAVE ZA INSPEKCIJSKE POSLOVE
O RAZMJENI PODATAKA RADI REALIZACIJE
PROGRAMĀ PIPREME ZA RAD NEZAPOSLENIH
OSOBA

Sarajevo, aprila/travnja 2014. godine

Radi efikasnog provođenja mjere aktivne politike zapošljavanja, a u okviru svojih nadležnosti utvrđenih odredbama Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08) i Zakona o inspekcijama u Federaciji Bosne i Hercegovine („Službene novine Federacije BiH“, broj 69/05),

Federalni zavod za zapošljavanje, zastupan po direktoru Rešo Kenanu,

i

Federalna uprava za inspekcijske poslove, zastupana po direktoru Tirak Ibrahimu, sporazumjeli su se o sljedećem:

I

Predmet ovog protokola je uspostavljanje saradnje radi razmjene podataka iz službenih evidencija pri realizaciji mjere aktivne politike zapošljavanja provođenjem programā pripreme za rad nezaposlenih osoba kroz obuku, stručno osposobljavanje i usavršavanje nezaposlenih osoba.

II

Radi efikasne realizacije mjere iz tačke I ovog protokola, Federalni zavod za zapošljavanje će odmah po odobravanju/usvajanju odluke o realizaciji svakog pojedinačnog programa pripreme za rad kroz obuku, stručno osposobljavanje i usavršavanje nezaposlenih osoba dostavljati Federalnoj upravi za inspekcijske poslove – Inspekcija rada, i kantonalnoj upravi za inspekcijske poslove – Inspekcija rada prema sjedištu poslodavca, podatke o poslodavcu i spisak sa podacima o nezaposlenim osobama koje su uključene u program pripreme za rad.

III

Podaci o poslodavcu kod kojeg se realizira program pripreme za rad i podaci o nezaposlenim osobama koje učestvuju u pripremi za rad dostavljaju se nadležnim organima iz tačke II ovog protokola s namjerom da se u slučajevima inspekcijskog nadzora poslodavca koriste radi identifikacije i utvrđivanja statusa osoba zatečenih kod poslodavca kao osoba koje su u skladu sa zakonskim propisima uključene u pripremu za rad kroz obuku, stručno osposobljavanje i usavršavanje bez zasnivanja radnog odnosa.


IV


U okviru svojih nadležnosti i aktivnosti, Federalna uprava za inspekcijske poslove – Inspekcija rada prati i koordinira rad kantonalne uprave za inspekcijske poslove – Inspekcije rada u realizaciji ovog protokola, o čemu izvještava Federalni zavod za zapošljavanje.

V

Ovaj protokol je sastavljen u četiri istovjetna primjerka, od kojih svaka strana zadržava po dva.

Protokol o saradnji stupa na snagu nakon što ga potpišu ovlaštene predstavnici strana potpisnica.


ZA FEDERALNI ZAVOD
ZA ZAPOŠLJAVANJE
Rešo Kenan
Broj: 01-49-1730/14
Datum: 28.04.2014.


ZA FEDERALNU UPRAVU ZA
INSPEKCIJSKE POSLOVE
Tirak Ibrahim
Broj: 01-62-6-02305/14
Datum: 28-04-2014.